

Entrega di moneda special ‘Fiesta di San Juan’ na Conseho di Ministro



GOBIERNO di Aruba a proclama aña 2008 como Aña di Cultura. Den cuadro di esaki, Banco Central di Aruba, na nomber di Gobierno, a emiti riba diamars un moneda special di plata pa conmemora e ‘Fiesta di San Juan’.

Celebracion di e fiesta aki ta tuma lugar tur aña riba dia 24 di juni dor di comunidad Arubano y esaki mediante diferente evento combina cu dansa y canto tradicional, organisa dor di varios instancia cultural y den seno familiar.

Un actividad special ta ‘Dera Gai’, cual su ilustracion tambe ta riba e moneda special aki, hunto cu baile y candela. E otro banda di e moneda ta representa e perfil di Reina Beatrix.

P’e ocasion special aki, sr. Has-

sanali Mehran, Presidente di Banco Central di Aruba, den compania di sra. Jane Semel-eer, Director Ehecutivo a haci entrega di e moneda ‘Fiesta di San Juan’ n’e Ministronan di Gabinete Oduber y esaki den presencia di sr. Rodney Vingal,

diseñador di e moneda special aki.

E intencion di Banco Central di Aruba ta pa proximamente bin cu dos otro moneda mas, esta pa conmemora Carnaval y tambe Dande.